



跋宋布衣集



晉嚴公

宋布衣趙人也以詩遊江湖間矯矯楚楚也京
山京山唐氏爲刻草堂集已來荊州時開府
徐公爲荊州牧與之談詩詩益進乃刪草堂
集之半附以近作又刻之以居天鵝池名鵝
池集于是湘漢間往往能道布衣名字及詩
矣已布衣罹石首之難逃去不知所之刻遂
散佚茲開府公填郢踪跡布衣不可得疑其
爲溝中瘠也慨然憐之乃屬小子紹稷重校

鵞池集刻之行臺更名宋布衣集云余觀布衣集詩以考其人又卽公所爲鵞池傳以証其詩大都其詩如其爲人率竒崛悲壯清激感慨有魏晉風格而不爲綺靡軟美之態如當世所尚者然而開府公獨喜刻之其亦嗜苜蓿菹羊棗意與昔韓昌黎以世多媿阿歆借硬直不顧利害之士以爭之乃雅重呂鑿山人而山人反謫昌黎不能如信陵之待夷門生者昌黎不以爲忤且歆爲之三浴而三薰之傳稱布衣能偃守上座又鍵扉高臥不爲禮其伉厲不啻呂山人而公會不異也又曲優之且再刻其詩以傳示無窮蓋亦借布衣以風厲頑懦如昌黎意也然則是刻也豈直以其詩已哉詩凡若干首具右方

萬曆丁丑九月穀旦海陵周紹稷序

刻宋布衣集序

太室山人吳郡徐學謨撰

詩故難言而言詩於今之世尤難詩之教要
於溫厚和平凡以正得失感鬼神動天地皆
是物也仲尼刪詩悉取十三國之風而陳之
獨秦風悍急耳說者以爲雍州之人尚氣槩
先勇力忘生輕死駟職小戎蓋存其俗也乃
薰葭三章又未嘗不婉而致矣寧獨矜其儉
歆駟驪舍拔同仇之雄已哉唐人律詩原本

於溫厚和平惟少陵刻意險峻往往化臭腐
爲神奇視藍田諸家已別爲宗派固秦聲之
濫觴矣至明興弘治間北郡崛起思厲類
靡則又盡勦杜詞凌壓當世軒軒然其招八
州朝同列之侈心乎夫要眇之音希合而悍
急之氣易揚有以張之勢彌競耳故後來更
霸爭主夏盟掉吻升壇一呼響應揮霍詞林
古人左次矣不其偉哉顧雅道幾微懸衡什
伯聖人不作安所取衷吾又疑夫今之得于

快意而失于平情也夫詩必于快意而不必
于平情則秦聲吾無間然矣如必于平情而
不必于快意則仲尼斯謂可興可觀可群可
怨正得失感鬼神動天地者要自有在未可
舉一而廢百也夫少陵北郡故皆秦人也其
爲秦人也者而爲秦聲可也其不爲秦人也
者而欲驅一世而盡爲秦聲謂之何哉假令
秦聲而可爲也仲尼不置之變風矣而二南
之正始胡乃有取于關雎鵲巢之雍容也夫

其爲秦人而爲秦聲也且不可以始風而况
影響假借又不能真爲秦人之聲者哉吾是
以知言詩於今之世尤難也吾嘗與宋布衣
言詩布衣言今人無詩意甚怪之比讀其詩
稍工五律寂寥短章耳輒病其才力之易詘
布衣曰吾幸以才力之詘故得沉思苦吟審
于性情之正以求歸于溫厚和平彼方傷於
所恃能無窮大而失其居乎吾始矍然曰孔
子云以約失之也鮮矣其布衣之詩之謂哉

今其詩具在誠無當于倚馬千言卽以其沉
思苦吟之片語雜今之倚馬千言中則炯然
古人之流沫矣吾不意當駟職小戎舍拔同
仇之際而復見薰葭之伊人也烏可使之無
傳乎乃爲捐一月之奉刻置鄖陽郡齋而宋
守豸與布衣俱趙人宜無忝于副在之寄若
布衣爲人語具吾所爲布衣傳中茲不重言
萬曆丁丑孟冬朔旦

鵞池生傳

鵞池生者姓宋氏名登春字應元趙部新河
人生壯歲顛髮卽衰白因自號海翁人業以
海翁稱之晚居江陵之天鵞池更號鵞池生
宋氏故新河農家其先嘗累高貴生少失父
母以亡些嘗省家益貧然性嗜酒家貧不能長
得酒則時時發憤讀古人書見前世結纓射
書擊筑葉印諸賢豪急難竒節未嘗不慷慨
悲歌泣數行下也生始慕俠能挽彊馳騎間

出其餘智爲小詩輒自喜不欲以示人又稍
稍通繪事師江夏吳偉鄰之父有頎而鬣者
生戲爲之貌絕肖父因勸生益習此可作生
業何乃日沉酣落魄里中也生不應以是里
中盡目爲狂生亡所知名年二十會一歲間
妻子女五人俱相繼死生仰天歎曰咄嗟天
乎將驅我於埃壙之外乎遂屏家於其兄而
自囊書遠遊遊至博陵博陵有故所善客憐
之餼之塾舍二年生默默不自得竟謝去去

之京師日跨一蹇驢行長安道中往來覓詩
方是時臨淄布衣謝榛以詩遊公卿間聲籍
甚生間得其詩唾之曰作詩何爲者而令七
尺軀津津設貴人山活耶居京師月餘亡所
遇又去之渤海入兗州登嶧山觀秦皇帝遺
碑還居長白山一蕭寺出囊中故所貯漢魏
盛唐名家詩閉閣揣摩如是者三年頗窺作
者之戶遂大放厥詞而於五言尤工眼駸駸
白亡今人矣又去而浮淮海渡楊子江登址

固山以望金陵鍾山紫氣過雲陽匍伏延陵
季子祠下涉吳會訪錢唐天竺靈隱諸峯已
復走徐青歸新河數日又去出居庸循太行
山而西窮關陝澤潞諸邊塞其在井陘嘗居
龍窩寺瓶粟罄矣寺僧厭苦之生曰僧母窘
我我試繪一小圖持至市中當得粟已而果
嚮高粟五升伺粟不盡不更繪而市人爭欲得
生繪則日擔粟詣寺門相聒生不能堪乃避
至城外一山樓樓依岨陡絕樵蘓所不至山

鬼晝出侮人生坐卧其中第繙華嚴經數矣
足不履戶外者累月山中人疑爲逋客將逐
之而生遂遊太原太原之逆旅人以生衣垢
敝待之不爲禮會旁舍賈欲覓詩爲其長者
壽逆旅人以試生生卽與之詩復問生能書
乎又與之書逆旅人始恨知生之晚也而賈
更製鮮好衣數襲遺生生佯受之而轉投其
逆旅人逆旅人愈慙感生復自衣其垢敝者
長揖逆旅人去也已由棧道入西川遊峨眉

山遡巫巴下荆鄂將達於潯陽返於黃迂雲
夢而北走大梁偶憇鈞州酒肆而鈞州有党
中丞者得其所題酒肆中絕句詩強致之家
留數月復自宛涉襄過京山生所跨驢蹶於
唐氏之淖傾其囊中書曝之衢唐氏異生所
爲要與之飲食歡相得也遂主唐氏一歲而
行唐氏爲刻其詩傳荆郢間更贈生二童子
卽生所呼爲丹砂白石者生挾二童子轉江
陵登王粲樓讀其賦感昔賢流寓地有終焉
之志始生數年前嘗至江陵居城西開元觀
故遼王奇其詩召謁便殿語不合一夕遁去
去數年復來生老矣乃依其兄子宋鯨耕天
鵞池之石田歲穫菽十斛生以其半易米雜
菽炊日度一餐稍羨則盡以給酒費晝夜哦
詩不絕口是時吳人徐學謨爲荊州守聞生
高自往物色之生始匿不欲見守至再始見
明日生戴紫箬冠衣阜繒衫報謁据守上座
守侍人竊竊私語曰客顯妄亡知守奈何輕

威也久之往來廨中而守之察吏奉守意皆
浮慕生爲謬恭延致之生揣其無實終不肯
一往守爲生授室城中後天鷲池徙之居約
以他日見訪是日守偶先有所往經其門而
遲及之生恚曰守胡給我也比臨其室生已
鍵扉臥不欲內守守令人穴其垣入見生方
科跣席一藁僵偃壁下守咲曰若欲爲龐胡
耶瑯琊人將捕汝矣生起謝曰室無几榻難
淹尊官耳因索酒飲之薄暮而罷其後數年

守坐廢家居生在江陵念守憔悴業歆後之
遊而貧不能從裝齋乃詭爲羽人裝手持一
鉢裹敗衲而行乞於途自江陵繭步千里來
海上海上人以爲守客遠來爭勞苦之而日
持河豚酒享生生一嚙而盡明日見持河豚
酒者不爲謝亦不知爲誰其後持河豚酒者
遂不復至而海上主帥部公者亦以守客故
遣人遺之金爲生壽生揮之曰將軍以貧士
爲金遊耶東海若咲我矣幸使者謝將軍時

守歆買田舍生于海上而廉其性骯髒不能
諧時俗人不復彊也居三月別歸江陵生歸
守囑之曰江陵難將作矣盍定計審處之生
當成而庶人之客亡得脫者生嘗爲庶人上
客而又爲人倨衆將甘心焉始守所授生室
故宗人產貨之直四十金守以生羈旅恐后
或攘之爲密署數語於契尾鈐識而歸生至
是宗人乘庶人之隙誣其奪而與生訟之官

守身契尾鈐迹驗白乃以室還給生生久在
庶人所絕不與用事者比庶人常召生遊別
宮聲妓滿前他客或故爲調笑以悅庶人生
第端坐竟日夜卽飲至大醉目不流睨庶人
益敬憚生每見生輒爲斂容生之不及于難
以此自庶人廢生不樂居江陵乃轉鬻其室
以分漑宋鯨而自攜少貲逍遙七澤間最後
遊石首石首士人喜生來與之結社爲詩少
年張氏某者豪有力而佯以詩爲名高生不

少與可少年銜之亡所洩會他處召客少年
故與生爭席伏奴箠擊之幾死尋賂縣官賈
某械而出諸境石首士人避少年亡賴而又
懾懼令威莫敢開言救生比出境而陰行賄
疎其械縱之逸生又還江陵遍謝其故所往
來人而斥二童子姑去乃自童髮爲頭陀不
知其所之萬曆初守復起爲楚行省右丞行
部江陵宋鯨方爲人傭作於野識故守恐而
陳石首事云徐子曰昔孟襄陽以詩窮願藉

與荊州張長史藍山王右丞游二人嘗薦之
玄宗朝卽不用而襄陽之名以附青雲孟高
生五言詩有遍類孟襄陽者如閒居云平生
欸段馬不識孟崑門清明日海上云一孟寒
食酒東海吊田橫其清婉悲激非近歲布衣
詩可儷也及考其游跡幾遍天下囊中亡一
錢自隨以是所至數窮餓卽窮餓不肯輕見
一貴人卽貴人自見之意稍拂竟掉頭去不
復顧世方指爲異物誰復傳其詩至石首之

事危彌甚矣然非其所自取徒以羈旅故爲少年所乘此韓淮陰他日召而賞之者也何遂憤懣逃世太史公稱獨行之士空室蓬戶咀藜糲褐不厭死而已者豈斯人之謂歟
吳郡徐學謨撰

宋布衣詩集卷之一

趙郡布衣宋登春著

感遇五首

燧后教火食沿代利欲生佃魚爭桑顧弧矢
遂爲兵鴻運乃如此海波詎能平伊余抱宿
性聊以澹自營眇軀混群有乘化歸無名
周道昔淪喪鳳德遽云衰所賴二三子微言
諒靡隳 聖代握元化人文粲歲莖蒼麟在
郊藪朱鳥翔崇棟我后貴清真垂衣詢無爲

廣成久已去至道當咨誰

涼風從北來騷屑鳴南林流雲掩徂暉廖廓
結重陰感時長太息矯首發孤吟河水知路
寒思遠知憂深亶亶行采芝悠悠念所欽
神龍謝鞭策猛虎辭羈鞅智哉韓公子功成
不受賞滅跡遊人間抱神而孤往千載獨不
見令人生遐想

翩翩瑤臺客穆穆孤鳳姿口誦紫霞篇手弄
白蟾蜍贈我崑崙圖兼之青都書去去不可
留滅影凌紫虛

胡馬客

胡馬鐵連錢婀娜珊瑚鞭垂冠明月珠橫劍
照秋蓮笑買胡姬酒醉歌易水篇咄哉揚子
雲白頭守太玄

白鼻騮

虜騾白鼻騮婀娜玉鞭斜錦韉明春陌銀鞍
拂柳花經過劇孟飲留醉阿奴家日暮旋鳴
轡長安有狹邪

紫駟馬

駟馬黃金羈行行赭電馳三春白日晚六郡
良家兒厲劍龍庭北解鞍鐵嶺陞歸來朝王
殿猶把漢旌旗

塞下曲二首

金鞭白馬出蕭關沙塞黃雲五月寒明主恩
深猶未報陰山何日斬樓蘭
燕草初齊首霜肥白狼山上客思歸轅門昨
夜軍書到又領殘兵度武威

公子行

茱萸錦帶綉芙蓉千金七首雙蛟龍旋喚胡
姬招酒伴城南躑躅五花驄

古思邊

井上梧桐春作花園中首霜初藏鴉少婦流
黃桃錦字將軍提劍戰龍沙

戰城南

都護輕車出上谷健兒飲馬長城窟凶奴昨
日戰城南風雨蕭蕭鬼夜哭

霍家奴

不識何人美丈夫赤鬚碧眼霍家奴公府長
揖二千石歸來調笑酒家胡

款塞曲

蒲萄酒熟黃羊肥碧眼戎王夜獵歸聞說漢
家李廣在分營不敢犯金微

古意二首

妾意如幽蘭日遠自馨香郎心如明月夜夜
減清光

妾心如朱絲久在箱篋底願爲錦瑟絃無人
解調理

焦仲卿妻

城南寒食女還家燕麥青青草作花使君莫
湯來相問自是長安有狹斜

春遊曲

江南春草芳江北柳條長玉面城中女金鞍
塞上裝長兄游狹子夫壻孝廉郎夾轂休相
問持平慎所防

俠客

南山北山射封狐白馬如飛呼韓盧日暮解
鞍招酒伴腰間脫下金僕姑

白鵠篇送顧五

翩翩雙白鵠乃從何方來千里一逆頰萬里
一徘徊不見王子喬飛鳴有餘哀棲託瀟湘
渚毛羽何摧頽饑乏琅玕食凡鳥長相猜願
得同心侶聯翩舞瑤臺徒倚瓊樹間回首謝
塵埃

擬古送顧季狂遊襄陽二首

青春駕言邁江離冒青英吳會有狂且遠託
高陽生丈夫抱奇志豈同兒女行近情恐不
任遠懷爲物嬰南國無伯桃東海少田橫結
交古道喪感激何時平

白日照郊墟晨風懷中懷爲子具尊酒中懷
良不開翩翩孤飛鴻長鳴向我哀執手漢水
上念子何時歸生當崇令德死即欣泉臺
將之吳越別秦中知己

寒亭嫋嫋紫蘭枝曲池兩兩鴛鴦羽鴛鴦飛
去蘭池空青山一別隔千里秦娥抱瑟歌陽
春金尊綠酒照離人酒清絃正苦腸斷不堪
聞我有相思曲歌竟恐憂君明朝又向東吳
去含情結思滿秦雲

孤鶴篇贈李山人

瑤臺有孤鶴遠下玉山岑厭茲惡木枝結巢
珠樹林飢食青琅玕羽揚孤音仙人王子
喬邂逅論素心携手白雲間相知一何深解
攜在斯須相憶祇鳴琴

秋夜鷺池侍宴應教

車馬荒村夜流螢水面多野雲停几席江月
引笙歌樽湛淮南酒池添道士鷺白頭慙受
簡休問賦如何

薊門

桑柘兵殘後人家夕照中天秋沙鴈滅月冷
戍樓空選將燕山北擒胡遼海東城南餘戰
地燐火夜深紅

春日野眺簡徐荊州

春問沙棠楫寒生杜若洲山雲巴子國江雨
仲宣樓歲月餘華髮飄零隨白鷗誰憐能賦
客劉表在荊州

紀南樂應教

沙市多新館章華餘舊臺細雲薰岸柳殘雪
照江梅楚舞花鈿麗吳歆寶瑟催清尊宜落
日作賦子雲才

十二月還江陵草堂

昔別草堂在重來白髮新曉窓繁自短夜雨
榻猶陳猿鶴識吟客琴尊宜故人梅花還共
笑不厭野夫貧

村居秋夜即事二首

豐草隨鳩杖長林自鵝冠竹風輕嫋嫋花露
白團團秋晚雕胡飯夜涼芋栗盤兒童溫笑
語來去問加餐

樹密多棲鳥池深足躍魚江雲輕葛冷山月
小堂虛寒竹依闌砌秋花映石渠流螢何意

思故故遶琴書

新春堂成寄懷所知

老去還杯酒春來自草堂揮金曾有志煮石
竟無方岸水浮鷗鷺林花宿麝香故人江漢
少念子意何長

秋日江村寄懷顧五

水白魚蝦市天青鶴鶴林露華浥細草秋氣
淨遙岑子夜吳門調幽蘭楚客心相思渺何
許日暮大江深

鷺池留客

園果風還落草蟲鳴不休竹深高閣冷花密
小亭幽白幘留雲鶴青藜狎水鷗一尊同客
醉不用典吳鉤

瑶瑟怨

秋風嫋嫋石蘭長楚姬拭淚紅巾芳蒼梧帝
子去不返空留瑶瑟泛瀟湘

江樓對月懷鄭汝推

霜楓搖落早猿啼愁對澄江送夕暉明月樓

寒人不見相思千里楚雲飛

過夷齊祠寄別襄垣殿下

春蕨生兮依依春薇秀兮菲菲悵遠人兮榮
獨慕公子兮忘歸

雲揚兮南山河流兮潺湲懷王孫兮不見采

薜荔兮烹蘭

雲娟娟兮行春望帝子兮憂殷殷擊杜蘅兮
河渚結荷衣兮江濱

長平道中早發言懷

流自古戰場白日驚飈馳蟻蝟掛虛牖寒瓜
蔓枯籬玄蟬傷白露青莎被修池佳人理紈
素行子心傷悲童僕嚴晨駕言涉丹水湄羈
旅寘良儔麗澤當依誰豈爲黃雀吟還歌猛
虎詞利劍恒在腕壯心安所期流景不可駐
沉嘆將何爲欲學騰化術松子久吾欺人生
貴適志知命復何疑

遠別離

我出雪溪來梅花落湘楚湘娥忽而笑留宿

鴛鴦浦鴛鴦浦寒月照沙兩情歡極生悲嗟
冷冷遊水送月落夜長起坐歌蘭花

留別榆關知己

促駕遠行邁迢迢事東遊
紉蘭思楚澤結荷憶吳洲
嶮嶽遵恒麓迤邐凌燕陲
所歷無停跡居然隘九州
投志在道義脫劍爲誰酬
念子宿昔交欲去復淹留

寓忠教真人山房

窈窕白雲谷春芝秀幾華
醉吟滄海月笑弄淶江霞
丹竈開仙館瑤城輔帝家
何年騎白鶴萬里覓雲槎

送嘉禾張山人徵伯遊大梁

芳草年年綠浮雲日日征
兵戈遊子意桑柘故園情
賣賦金何有著書名未成時
無魏公子誰復重侯嬴

宋中送客歸襄陽

相送夷門道重過古驛亭
南行春草綠一望晚山青
鄉夢梁臺雨羊裘漢客星
鹿門今可

問花月正冥冥

伊闕

岸圻臨無地崖縣欲墮空松門覆鳥下蘿徑
野泉通禹廟荒垣裏河流砥柱中樵歌起林
末似覓飲牛翁

春日登釣州西臺思登洲兄

晴沙初度鴈春樹早聞猿野店人烟少孤村
霜露繁年華餘白髮棣萼遠青尊故國河山
北幽懷難具論

戊午杪秋示我兒鯨

天地羈愁客江山去住久悲涼卞載事漂泊
一綸巾此日知吾老他鄉獨爾親圖南未可
料空負故山春

釣州除夕

栢酒消寒色燈花坐夜分醉題招隱賦懶草
送窮文春夢周南客鄉心冀北雲緱山有仙
子吹簫靜中聞

贈李棗強

泉石元同調辭官幾歲華
鋤雲開藥圃看月到僧家
詩敵雙峯迥門後五柳遮
秋蘭自可佩何必問丹砂

秋夜獨坐詠懷

露洒青梧濕天寒鴻鴈鳴
星雲搖海戍砧杵動山城
久客三秋夢懷人獨夜情
故鄉渺何許華髮歲殘生

荊州雜詩六首

選勝樓居好憑高發興奇
江雲春自裊山月

夜相宜頭白還詞賦身閒且歲時
滄洲吾道在花鳥莫深期

寒渚依鳧鴈春城自薜蘿
登高初擬賦望極欲悲歌
落日燕京遠浮雲楚徼多
一尊饒桂醕何處吊湘娥

流落燕州日踈狂楚國身無金
難作客多病况逢春白髮猶公
道清尊不負人相逢無狗監投
策莫干秦

惆悵荊州牧新詩此見招渚花
浮落日岸水

接平潮寒雨沾髮岳春風試洞簫盤雲雙白
鶴似欲待王喬

問藥過城府兒童晚未回雲深宋玉宅雪暗
楚王臺花發春猶淺樓高賦轉哀家家湘酒
綠誰爲一尊開

水呈滄海賦山送白雲篇浩渺鵬腰客虛無
鶴背仙清樽隨世計芳樹自流年閉閣吾將
老何人問草玄

雪夜期顧山人不至

凍合漁樵路扁舟夜不來江頭寒鴈滅城上
饑鳥哀寥落尋仙客飄零作賦才明朝風日
好花下且深杯

荆南懷鄭汝推

吾憶鄭交甫清狂世共癡留金爲結客買劍
贈相知慷慨吳公子悲歌高漸離風塵淹此
日頭白欲何爲

送句吳豪士重遊大梁

魏王臺上草紛紛落日中原低暮雲匹馬浪

遊孤劍在酬恩惟說信陵君

汴水東流接大河曾經帝里問銅駝春風三
月旗亭酒落日夷門一放歌

沙塵風起畫冥冥二月黃河尚帶冰桑柘夕
陽村店路同誰走馬吊韓陵

白石歌送吳允升

渚宮楊柳春依依麥城宿雨朝雉飛南山白
石何纍纍遠道之人胡不歸我欲念之心苦
悲

九日送張周二子

江漢逢詩侶雲霞送酒杯鳥飛巴子國水落
楚王臺寶劍知吳客瑤琴識越才昭丘誰更
賦孌孌暮猿哀

送周文美還海上

與君非宿昔同病即相憐悽惻登樓賦悲涼
說劍篇客懷江路永鄉夢海雲邊遲暮身何
有還留貰酒錢

送俞山人還漢陽

落日下平原秋林白露繁獨憐長路客棲託
向誰門賣賦金何有還家舌尚存劍歌空自
苦江漢有芳蓀

贈吳門顧季狂

水落荆門晚風涼歲欲徂且隨梁苑客好著
羽陵書天地終懷玉江山未卜居何時結蘿
薜同釣漢川魚

書西園水亭

夜合含香發春蒲出水齊年華隨短髮客計
逐幽棲山鵲窺人落江雲拂戶低桃花迷戶
所錯認武陵溪

早起

臨水慙魚樂瞻雲憶雨欽匣中惟寶劍世上
羨黃金留滯防人面淒其損客心春來每起
早蘭澤一長吟

贈賣藥焦老善奕

鬢眉七十強高卧水雲鄉還賣修琴藥常餘
養鶴糧橘中無俗着肘後有僊方我亦食霞

客金華訪牧羊

再贈顧逸人

吳門豪客美且都十年負劍遊嵩廬黃金百
鎰俱散盡方衫阜帽行長途江陵帝子愛敬
客旋遺裘馬驅胡奴花前醉草三都賦肘後
常懸五嶽圖轉眼看天爾何有回頭大笑滄
洲孤而今恐有聊城急還留一隻金僕姑

上元夜走筆戲簡呈忠教主人

蒲萄釀馬瑙鍾小姬裙學石榴紅任教刻漏
咽銅龍江陵帝子醉春風醉春風樂復樂月
月下行來花下酌一時放馬俱升堂君平簾

下何寂寞

沙津樂

二月沙津江水平吳船楚榜掉歌行高樓夾
岸饒商估小妓街頭鬻唱聲

贈會稽劉世儒

劉生多氣岸負劍遠行遊落斗三湘酒烟花
七貴樓右軍白羽扇季子黑貂裘我亦淮南

客因逢桂樹留

贈東岩主人

東岩主人東岩樓岩花開徧岩東西有時自
抱一斗酒醉約山翁弄玉溪

已未臘月寄李逸人

天涯流落客歲暮欲何之風雪主人少山村
童僕饑已敦寶劍諾誰賦白駒詩季子裘雖
敝終看佩印時

再送張逸人

燒藥頻留火讀書只閉關半生爲此客萬里
一南冠瀕水春來別吳山夢裏看明年又秋
草張翰幾時還

貽上黨程戶侯

擊筑醉燕市躍馬佩吳鉤白玉酬歌咲黃金
散故侯舉鞭辭府長揮手謝時流願斬單于
首爲君雪國讎

少年行

誰家年少羽林郎寶馬金鞭後武皇新賜腰

間白羽箭尋常射殺左賢王

遠遊

紅顏辭舊國華髮尚羈人
軒冕非吾願風塵
老此身梁鴻五噫發
子建七哀頻玄閣年年
閉花林只舊春

秋日上黨衙中懷故鄉知舊

白髮生青鏡黃花吐素秋
家書無鴈足客路
一羊裘海鷺辭鄉社
山猿傍酒樓誰堪回首
處千里暮雲稠

再示鯨

客夢苦難成鳴鷄又及晨
燕鴻驚歲晚越鳥
對愁新九月催寒葉
孤琴伴旅人相看正牢
落非爾復誰親

越溪女

越溪素足女婉笑青眉揚
泛水采芙蓉歸來
衣更香

山樓秋夜有所懷

旅宿燕關暮天寒
霜葉稀涼風生夜榻
客淚

下秋衣路遠鄉雲斷山深邊草肥堪悽珠樹
鶴何日故林飛

晚歸山寺二首

月爭花林僻琴清竹院閒幽蘭芳短砌獨鶴
下空山鳥道排雲入松門映雪關兒童夜歸
去採得紫芝還

鶴懶眠白石雲深護紫芝僧閒翻貝葉月冷
浸蓮池鷺嶺秋尋徧虎溪夜度遲梅花伴成
夢霜色澹孤帷

感懷呈劉五

劍騎任飄零天涯作客星年華雙白鬢秋夢
一浮萍返老尋丹訣怡情誦鶴經故人劉季
子相對眼能青

長安僧舍

種竹青門外分花杜曲邊關雲一以卧隴月
幾迴圓曉夢悲鄉樹秋風滿嶽蓮囊空金錯
冷時誦馬蹄篇

南遊別山東知己

池浸芙蓉月堂含松葉烟寒衣坐白石隔竹
弄幽泉客子玄洲夢佳人窈窕篇相思隔雲
海秋滿木蘭船

遠遊

寥落悲歌客含蘭逢美人湘雲迷五嶺關月
度三秦駕鶴行吳市停車賦洛神倦遊思臥
海垂老釣玄津

春日尋李鍊師

野田榮卉木春水抱僊家樹暖遊蜂狎風輕

舞鸞斜開門通小徑高柳映明霞日宴山中
客開關掃落花

晉陽山中元日

野老憐時序壺漿慰客情春盤鄰女送曉樹
隴禽鳴寒塢驚鳥花色窮邊聽角聲他鄉逢一
咲更覺旅魂驚

春日遊太原黃山寺

拂衣坐盤石度水聽疎鐘古殿依崑碧山花
拂砌紅晴峰輝旭日春燕浴條風欲共巢松

客安禪老化宮

秋日登李仲培山樓二首

地僻雲侵榻。簾疎風滿樓。霜寒籬菊晚。鴈度渚蓮秋。滿篋新詩草。橫磯舊釣舟。清尊隨處醉。萬事付江鷗。

零落十年客。迢遙百尺樓。霜寒龍塞晚。風急鴈門秋。獨戍三家市。長河一夜舟。村沽還可醉。相對有鸛鷗。

春日發上黨游洛別劉五

晨發上黨路。行行漳水湄。計程梁路遠。回首晉雲遲。抱玉豈求識。含蘭欲待誰。高樓倘引望。花月兩相思。

五雲洞

洞裏仙人去不歸。洞口碧桃秋自肥。石壇露滴松花冷。夜深山鬼薜蘿衣。

醉中偶興

春酒壺中爛似霞。青童學煉白硃砂。醉來起舞松庭月。三嗅臨風玉樹花。

擬宮中行樂詞四首

小紅亭子白闌干，入道宮娥玉作冠。袖出青
梅彈鴻瀨，銀瓶滿注蔗漿寒。

碧殿春深瑤草肥，美人對月舞羅衣。夜來不
作青鸞夢，化作彩雲何處飛。

玉輦春遊夜未央，紫衣侍史謾焚香。黃金鎖
合鴛鴦殿，無限春風到海棠。

琉璃硯水黃金瓶，十樣鸞箋寫道經。太乙紫
壇朝帝罷，蕊珠深殿彩花馨。

自君之出矣二首

自君之出矣，棄妾漁陽西。不及野田雀，雙飛
還雙棲。

自君之出矣，腸中車輪轉。欲向夢中尋路長，
春夢短。

竹枝詞三首

行行長千里，采采春田花。郎君相問訊，大樹
是儂家。

小姑茜紅衫，大姑鬱金裙。把手促儂去，兩兩

拜湘君

妾居揚子津卽在清江浦一自與郎別十日
五風雨

贈栢谷山人

窈窕栢谷原中有食栢客不咲亦不語往來
無行跡

野菊

野菊多幽姿含香待誰發落英我欲食芳心
無遽歇

老僧

手中燃着白菩提拄杖過頭眉下垂石上晒
經茶未熟花間童子進雙梨

春郊卽事

春風嫋嫋夕陽西芳草菲菲楊柳堤行盡溪
山有茆屋青林深處一鳩啼

宮詞

自後十五畫雙眉記得新栽白苧詞袖裡青
梅大如豆石榴枝上打黃鸝

俠客

躍馬青門道
酣歌擊玉壺
腰間藏匕首
談笑入秦都

嫵婉誰家女

嫵婉誰家女
擧荷戲芳渚
薄笑三春暉
揚眉千仞羽
懷中連城珠
皎皎爲誰許
可人期不來
日暮徒延佇

南遊留別劉元和

東風習習芳草柔
欲去不去情悠悠
贈劍何年刻玉字
對君一笑說滄洲
肯教白髮悲春晚
乍可黃金買莫愁
此日別離那可道
相思長遶晉山頭

別劉五高秀才遊洛陽

春風嫵嫵桃花開
客館飛飛燕子來
遊子一朝辭此去
故人千里夢頻迴
上黨小姬白苧舞
襄陵美酒黃金罍
與君共把接羅倒
風流不數洛陽才

蕩子婦

妾家高樓艷陽春花枝柳條兩鮮新花咲柳
條空嫋嫋不能縮繫蕩心人花容隨貌改柳
葉上眉顰惟憂葉落花飛盡敲碎冰壺歌彩
雲

聞京東有警

暮雨催秋館長風冷菊枝坐中蛩窸窣燈下
髮絲絲四海尋戈日百年爲客時燕山新戰
後鄉信到應遲

江亭對雨有所懷

輕烟一帶起蘋洲日暮澄江送客愁細雨黃
花何限泪思君一夜楚雲秋

飲王太史山庄

郢上文章伯山中太史家養年常種藥閒日
但脩花竹澗明秋水松林落晚霞兒童憐醉
客淪鼎夜烹茶

書王侍御山房

雲白山青柱史居茅堂滿貯玉函書鹿車暇
日携閒客半畝清塘自網魚

韓山

采秀來韓山韓山石崔巍不見韓衆鹿滿山
秋雲飛

遠遊二首

浩浩中天立如何是丈夫乘槎湏遠去不買
水精奴

廓落孤雲合英雄一劍知欲尋龍伯國濯理
舊竿絲

芙蓉篇贈西安黃老廉

暉芙蓉花盈盈濯綠水素影漾清漪佳人
乃相似肯學中園柳漫逐春風起願爲並蒂
花託根碧池裏我本燕狂人而來偶君子匣
中有寶書確確心相許日暮望高樓含情不
得語咲弄黃金璫願言酬知己努力揚高翮
名成訪綠汜

遊王氏郭北山樓

徑草連村合山樓帶郭橫開尊招野客倚樹
聽流鶯露自花間滴雲後石上生幾迴漁叢

響素月嶺頭明

九日寄懷劉經府

江海十年夢關山萬里情
悲歌憐宋玉談笑
憶公榮日逐秦雲斷
愁隨越鳥生北園松菊
好今夕共誰行

早春登釣州西堂簡堯中丞

汝陽春色望中來
詞客長吟重自哀
身世百年宜對酒
家山千里且登臺
寒雲細草鴈初
至斜日孤城花自開
白髮中丞能好事
仲宣

流落幾時迴

秋日登黃鶴樓懷劉四臯

黃鶴樓前江水流
故人何處木蘭舟
雙雙燕子南飛去
瑟瑟蘆花鐵盞秋

贈五嶽山人

上國有一士披褐日來往
口誦南華篇心存
出霞想提携赤松徒
五嶽姿奇賞調弄農皇
琴和彼流泉響赤水
覓玄珠窮神寄象罔
寄懷唐子瑞

蕭寺秋深冷石門山人寥落卧松雲黃花芳
砌臨風看玄鶴鳴臯傍曉聞楚醴醉來空作
客商芝歌罷正思君何時彩筆開緇帙花下
鳴琴共夕曛

寓北固山謾興

自翦朱霞補白袍倚天還誦碧雲謠山前流
水萬里去石上長松百尺高清磬時鳴玄圃
玉洞簫新斲拂天稍采蘭踏破春江月笑弄
銀鈎戲紫鰲

春夜園亭小集

春夜弄琴拂落花滿壺春酒煮春霞醉倚瓊
奴問其夜咲拈花稍月未斜

江上尋張鍊師

隔松聞桂杵玉粒搗玄霜水月明笙鶴江雲
冷石堂

山中夜月送客

松裏夜禽聲關關松上女蘿垂石闌天風吹
衣月皎皎紫芝歌罷僊翁還

春日同四勿王孫遊堯東蘭若

四勿主人王之孫春寒喚客倒清尊梅花照
眼歡意發酒未到口詩脾溫野鶯無心還可
意山鬼多伎何足論高歌一曲明月上醉後
不聞僧敲門

僊堂山

赤足僊人跨白鹿道逢授我東華錄山下緋
挑三百顆合了還向瑤臺宿

燒藥

笑歌山鳥外飄思海雲孤袖出金我鷲蓋燒藥
許松奴

遊長慶觀

古殿依巖立平橋策馬登抱琴尋郢客得句
寄山僧杖外雲霞度坐中芳草芳荆門秋水
淨旅鴈下江陵

宿鄭氏園亭懷白石山人

雲泉滿谷碧桃肥白石山人去未歸春至不
知芳草綠月明松下鶴雙飛

贈東岡逸人

東岡老人能養拙春來釀酒摘松葉有時半
醉臨風前獨抱瑤琴嘯海月

登文星臺

春酒百壺春日開東風扶我上文臺乾坤無
處着雙眼祇對雲山舒壯懷

醉中書長安酒樓

黃鶴還來舞醉鄉調歌不用紫雲娘一瓢連
月揮春瓮大醉長安幾百場

冬夜宿三清閣三首

紅雲長遶玉皇家爐裏丹成結紫霞琴冷月
明孤鶴怨冰壺昨夜浸梅花

道人不解塵機事愛訪吹笙騎鶴僊歌罷紫
芝雲外落一鈎梅月晒冰絃

遙看玉雪灑長天隔匣飛光寶劍寒江月山
雲頻有約先生歸去着黃冠

別友歸山中

杖桃一束青囊書走向山中覓雲巖何處幽

人深憶君白猿霞外嘯蘿月

贈方士

無何老人懸玉壺揮雲笑月出蒼梧袖裡丹
砂三百顆時化黃金入酒壚

出門行

山有雲水有瀾壯士出門彈危冠抱劍羞歌
易水寒一朝笑解盤龍帶十年零落黃金鏤
惟遺雙寶珠憂來不忍看願采金光草令人
駐朱顏

太暉觀晚眺

霞月生西嶺秋雲澹暮山鳥啼僊閣近花落
羽人閑白髮非生事黃金豈駐顏孤懷猶未
愜長嘯下松關

小築

杖屨秋來健山林老去偏野花踈短砌水葉
滿平田鷄犬夕陽盡人家橘柚連江深寒小
築樓泊自年年

荊州公醜酒

菱葉青青水荇齊
遶籬黃蝶菜苗肥
夕陽誰送山人醉
坐看兒童跨犢歸

秋風嫋嫋熟黃梁
池上鷺肥酒更香
醉裡不妨學楚語
竹枝歌好和漁郎

八月十三夜郡樓宴集

高樓落日秋冥冥
西風吹送燕鴻聲
半江杳藹月初上
萬壑虛無雲自生
拊檻欲窺白兔藥
持杯空復紫芝情
誰家今夜橫長笛
楊柳折殘怨未平

沙津送林孝廉還白下

爲送王孫去
踟躕芳草邊
鶯啼娃妓館
花拂孝廉船
易醉金陵酒
長歌寶劍篇
相思重迴首
郢樹隔風烟

雨中烹鷄有作

避地豈真隱
謀生未有方
晨烟熟鷄黍
墟里澹柴桑
雨過豆花赤
風高柿葉黃
鄰家不相識
何處覓壺觴

十五夜郡齋小集

校書罷芸閣移尊趁晚衙
莓苔宜小簾蠟燭
隱輕紗稚子能馴鴿
翻堦啄落花微風坐醒
酒明月共分瓜

宿郡齋

燭盡憐紅影詩成掉白頭
吳歌小榻夜楚雨
虛堂秋殘夢醒餘
瀝輕寒仗敝裘
鮒魚甘澗
轍吾亦笑莊周

妓館送人還金陵

楚水湘雲桂樹秋
黃金未盡大刀頭
西風謾

薄班姬
扇南浦
愁看燕子樓
鷄塞夢迴憐玉
佩龍關
月冷憶貂裘
明年郢上還
芳草夾岸
桃花好泛舟

江閣晚望呈荊州公

幾處薰葭連岸白
數村烟火隔江明
無家自合依劉表
有賦誰能薦長卿
巫峽去帆江樹
隱衡陽歸雁暮雲平
黃金已盡還爲客
湘漢長歌萬古情

九日集楚雄樓懷舊

沱水燕關憶壯遊
短衣孤劍老荊州
天涯縱酒逢眼眼
馬上看楓掉白頭
日暮饑鳥還遶樹
烟寒古堞自深秋
江空鴻鴈無消息
千里相思月滿樓

集郡樓感賦

客計蕭條白髮生
江山去住一鷗輕
山雲漠漠長含雨
江草萋萋空復情
楚老已忘白雪調
巴童還解踏歌聲
猶憐顛顛雀
雀英者落日登樓賦未成

久雨

秋作田家苦黃梁
夜自春衡茅難久
雨桑柘易淒風
懶織從新婦
荒鋤教小童
詩成還獨笑
笑天地一衰翁

秋日過羅道士山房

自煮胡麻飯
看松閉石關
綠芝眉宇古
白鳥道身閒
劍秘屠龍術
囊探伏虎丹
不須擇地隱
隨處是青山

九月七日龍山感賦簡蘓郡丞

殘日凋山葉涼雲脆渚芹空憐黃菊酒不醉
白頭人秋水還堪賦高臺易愴神去來隨老
馬踈散任吾真

郡東廳晏坐

晝刻分香短風簾簇影移天清聞墮羽院靜
見遊絲往事閒堪憶長貧老不疑黃金未可
就瀛海竟難期

宋布衣詩集卷之一

宋布衣詩集卷之二

趙邵布衣宋登春著

池中雁

林臥寡儔侶振袂臨清池露彩集蕙草霜華
變青滋翩彼隨陽鳥唼藻戲漣漪返顧患人
指廻翔稻糧羈宜宜逞長羽繒繳何由施伊
予敦孤性帶索終栖遲藜藿豈滿腹百年厭
飢幼物嬰因住念達生焉悵而

冬夜宿郡齋

空齋少物役。獨夜有餘清。桐子堦前落。梅花
笛裏生。豈須山櫟壽。徒結畹蘭情。明日鷺池
上看雲。還濯纓。

人日寄所知

落莫江村裏。偏憐物候新。百年長作客。此日
愧爲人。薄俗存身計。殘生隨世因。楚蘭漸堪
把采采。寄情親。

洞庭送徐使君投劾東歸

秋來爲客易沾巾。又向瀟湘送逐臣。煙草斷
雲橫楚塞。夕陽落雁度江津。天涯白髮無知
已。湖上青山有故人。回首吳關空悵望。何年
滄海共垂綸。

自沙津江行舟次岳陽送徐使君

漠漠晴沙江水流。峩衣同上木蘭舟。白蘋風
起洞庭暮。碧樹雲橫楚塞秋。羈客懷鄉何限
泪。孤臣去國不堪愁。夕陽帆影臨空盡。誰念
天涯獨倚樓。

同句吳周秀才登岳陽樓雨中望君山

作

久客知吳語高樓自楚歌青山浮水面白鳥
沒煙蘿仙去蒼梧遠雲生天岳多鄉關眇何
許日暮洞庭波

巴陵別徐使君歸荊州邸舍

日暮尋江渡涼風滿白蘋歸來應寂寞臨別
更情親孤劍三秋夢扁舟萬里身著書滄海
上還著舊綸巾

石首阻風寄懷徐刺史

別後相思夢屢真秋來誰寄短書頻孤舟風
雨偏愁客萬里江湘對逐臣莊鳥苦吟終適
越仲宣欲賦未歸秦十年零落黃金盡一夜
長歌獨愴神

石首江阻風雨舟中夜坐懷荊州公

八月悲風生脩脩鴻雁鳴白頭多病日黃葉
此山城細雨孤帆落長江獨夜情遙傳一掬
淚洒向楚臣纓

自公安縣夜歸鵞池庄風雨驟至有作

候雁迷寒渚昏鴉集驛亭故人江上別風雨
返柴荆楚些秋能賦巴歛夜懶聽蓬窓小兒
女相待一燈青

九月三日方別駕携酒殺見過因懷徐
使君

客淡秋能下人情老自知塞寒鴻雁早江暖
鞠華遲對酒憐吳語聞歌憶楚辭明年誰更
健重把紫萸枝

再送俞山人遊黃岡兼訊袁郡丞

昔別在何處今看白髮新無錢愁滯客多術
恥謀身錦瑟悲燕士幽蘭憶楚臣相思有書
札時寄草堂人

聞徐使君留滯漢陽寄贈

道直謫官蚤扁舟何去遲秋深縱酒後家遠
寄書時悽斷秦雲色悲涼越鳥枝漢陽江樹
晚搖落對相思

春日尋楊山人因過賀將軍園二首

空谷甯將賦幽人獨可尋風香紅藥近鳥語

綠蘿深一笑緣巴調三年學楚吟童扶還杖
策隨意步蕪林

茅屋斜臨水石闌曲拂衣松深鶴子冷花近
藥苗肥老去詩猶健春來酒不違欲尋江路
去竹下有柴扉

曹中丞以新詩見遺雪中書此簡答

凍雀飛還去空房祗欲眠高雲斷楚塞大雪
滿江天竹葉春仍綠梅花寒可憐歸來曹執
漚昔寄短長篇

江村寒食

白鳥忘機久青山吾道存興來從杖屨老去
愛鷄豚楊柳橋邊市桃華江上村童兒沽酒
至風雨閉柴門

寒食西郊望八嶺山作

寒食孤村餽畝山遠寺鐘登臨風候異祭埽
歲昔同芳樹諸王墓浮雲舊楚宮天涯對衰
鬢寂寞意無窮

畝日陪轉中丞飲城北莊晚至東湖炒

堂堊望感賦

芳艸芻初折遊絲晚正繁
漁樵楊柳岸鷄犬
堊棠村悵望荆門路
悽迷楚客魂
酬恩留寶劍
還愛趙平原

寄日閒居

青山歌伐木白首賦閒居
鴻雁寄能至梅華
寒更疎繭絲從婦織
菜甲教兒鋤日莫北窓
下尊中幸不虛

秋晚江上書懷

一望家園一惘然
湘雲日夕水共長
天山半落
荔日蕭索江上芙蓉秋
可憐楚些獨唸長
下淚燕鴻又過記
殘年黃金臺上無名字
醉後還譌寶劍篇

秋日登唫覽樓

遠客不宜秋况登江上樓
心隨胡雁滅身爲
楚雲留漢廣饒菰米
湘清聚白鷗寒砧何處
發落日動鄉愁

秋日聞曹中丞東湖庄堂樓初築以詩

奉贈

雲霞江色晚楚客意何如金散身無累才高
世共疎開門聞鳥雀落日見樵漁玄閣還應
閉白頭長著書

寄嘉定徐刺史

柴荆烏鵲定風葉正蕭蕭落日清江上懷人
滄海遙年華隨杖履生事寄漁樵楚客銷魂
處秋來誰爲招

八月十四夜憶徐刺史

桂華初發小堂東綠芷紅蘭別一叢翡翠屏
前秋寂寞芙蓉塘外月朦朧寶書玉笈爲誰
隱雲錦霞箋還自封鴻雁不來秋又晚故人
聞已到江東

秋夜

天秋鴻雁來夜寒桂華落空館復相思清飈
振藁溥

秋日鸞池庄與故人王惟材閒酌

秋水浮田葉涼風吹稻花白衣燕客醉紅樹

楚人家翡翠鳴魚笥鴛鴦立釣車鸞池堪避
地與爾種胡麻

江陵遇同鄉王惟材

未睹誰相問無家我獨親他鄉今接杖童稚
昔爲鄰江海飄零客風塵淪落人十季俱白
首笑此夢遊身

雨中呈王郎

黃金臺下見君顏今日蕭條入楚關一顧那
知添白髮十季何事老青山鄉愁多在煙雲
外客思偏生風雨間我已無家問消息聞
種藥不須還

夏日携王惟材陪曹公飲城東湖亭

漠漠林塘五月寒主人長日竹皮冠酒爐茶
竈從兒理菜圃瓜田引客看老去坐忘青鎮
夢歸來囊貯紫金丹鸞池道者頻相訪笑索
村醪首宿盤

俠客

賭擲賽劉琨家奴過孟貴千金不肯願一劍

爲酬恩趙瑟停鳳柱燕姬促象尊平生款段
馬羞入孟嘗門

與王惟材夜坐話舊

醉譌燕市笑顏紅十載離家似夢中聞說存
亡重悽惻對君何必嘆飄蓬

閉門

庭梅橫似畫籬鞠綴如錢閉戶琴書客翻悲
艸木年黃金無藥物白髮滿顛顛花徑從兒
埽誰來問尚玄

秋日待家書不至感賦此詩

澤國寒風木葉稀悲調昨夜賦無衣自添白
髮年華異川盡黃金生事微易水似憐湘月
遠燕鴻還共楚雲飛魚書錦字無消息秋艸
閒門又夕暉

八月十四夜遊太暉觀呈忠教真人

碧天高處是三清金作樓臺玉作城白鹿僊
人秋弄笛青牛道士夜吹笙驚殘鶴夢江雲
冷幻出松陰海月明欲寫陰符寄幽事山中

老子有書迎

同郡蓋子材寄示文稿作此簡答

萬金散盡一身輕
白首爲儒掉臂行
郢里誰傳春雪調
楚山應繫薜蘿情
自知未上千秦策
肯信歸來感婦迎
却笑文章憎命達
十年猶在魯諸生

登岳陽樓

吳楚江山闕巴陵
水國遙江流分九派
山勢控三苗
卉服通州里
蠻方靖
聖朝每希賞

道泰飲啄老漁樵

芳樹

金井梧桐樹碧枝
華葉芳月明移翠影
風細吐清香
共惜三春色
誰憐九月霜
閨中有少婦
歲歲憶遼陽

寄嘉定徐二刺史

豪華猶六代勝事在吳門
綠樹湖邊寺紅雲
海上村桑麻常夜緝
橘袖向秋繁拂袖還鄉
日應憐松蘗存

贈廬山僧

何日別東林浮杯夢澤深雲山隨去住水月
卽禪心鉢潤龍將見衣殘珠未沉行踪遍五
岳留偈待知音

秋日鷺池書卧

卑棲佚老日高枕物華年橘柚垂茅屋菰蒲
間渚田意中人不見事外客孤眠習靜眇身
世長唵秋水篇

八月十三夜

江月滿江城客愁何處生殘蛩依砌響新雁
與雲平露重楸梧白天寒松桂清弟兄在萬
里此夕各含情

江夏舟中值元日

乘舸下吳會寒日水增波江路魚蝦美山城
橘柚多維舟燕客醉倚棹楚童謔明發漢陽
去相思柰若何

經彭澤縣舟次小孤山阻雨

江塞分吳楚山城辯土風人煙澤國異春色

宋石在集 卷二
故鄉同曉飮孤山下孤帆細雨中檣鳥飛自
去詩罷意無躬

蕪湖沙洲阻淺

艸樹山頭驛雲霞江口村葦人驚虎跡舟子
記潮痕欲買吳姬酒能招楚客魂長波浩無
際目極更何言

春日寓徐公西園

筍出過闌見槵香度水聞樹深連海色洞午
散江雲石上拋書卷花間數鶴群春愁如碧

艸隨處亂紛紛

海上寒食

風雨臨寒食偏驚流浪情梅花鄉信遠芳艸
客愁生青眼故人少白頭世事輕還餘一尊
酒東海吊田橫

蘓臺覽古

吳王昔日好吳鈞義士三千盡列侯霸業已
隨雲北散雄圖空復水東流荒臺窸窸渙樵
砦故壘蕭蕭艸樹秋惟有館娃宮裏曲至今

詞向采菱舟

夜泊長橋

落日長橋外，維舟竹嶼孤。
春潮不滿岸，江鳥下平蕪。
負笈終歸楚，尋山且在吳。
自傷漂泊意，深夜許啼盧。

春日飲唐山人竹園

蝴蝶滿園春日晴，桃花梨花飛素馨。
千竿萬竿何菁菁，時時風雨聞秋聲。
淇園闊節不足數，渭川綠玉難爲稱。
爾莫斲爲化龍杖，虛勞

萬里升天行。爾莫截作學鳳笙，拘牽衆樂相和鳴。
飾金綴玉非本性，不如抱籥全爾精。高陽徒籜冠生引觴，大嚼無俗情。
其如晉代竹林彥，枕麩眠糟損性靈。
却惟王猷多傲世，入門先問主人名。

雪後

石徑留冰雪，松門鎖薜蘿。
地幽身自得，機息鳥常過。
芳艸春愁少，梅花客醉多。
竹枝辭更好，還愛楚人歌。

賞雪侍讌應教

狐白暖蒙茸當詞集上公春藏金屋裏僊隱
玉壺中送酒青樓妓焚香白玉童錦屏寒不
入只許隔簾籠

楚中送僧還嶠山隱居

半偈曾聞法虛空無住心楚雲飛錫去巴水
渡杯深一室寄何處千峰獨可尋有身緣未
了此別且長吟

送洪都道士

霞外尋真侶山中問赤松僊壇花雨淨石鼎
綠苔封坐煉金光艸行持九節筇聞師還舊
隱何日得相從

送王生西遊

雪裏荆門道愁中漢水春三湘曾滯客萬里
欲歸身獻賦還過楚談兵莫入秦自傷流浪
久偏惜遠遊人

春辭二首

南浦誰家薦綠蘋禁棠又發楚山春滿城芳

艸煙和雨江燕飛來侶識人

廣陌青樓楊柳新鶯花時節可憐人至今漢
上多遊文笑折疎麻贈所親

春陰

竹裏松間石徑斜春雲長遶楚人家幽窗睡
覺鳥聲響童子開關掃落花

江陵送王惟材還趙郡

湘臯煙艸洞庭雲此地逢君入送君趙瑟悲
涼那可問楚謠悽斷不堪聞迤山對酒春將

暮臨水板花日未曛顛顛形容獨歸去江樓
細雨歎離羣

踏青楊林洲

驛驕蹀躞上芳洲楊柳青青楚水流日莫東
風搖百艸不知何處是昭丘

遼府蕭楊山人

故鄉因別久逆旅有新知弔古過燕市哀謠
問漸離楚筵分醴後蜀肆下簾時欲就百錢
卜長貧老不疑

贈薛郎

畫史風流數薛郎
竹間茅屋對瀟湘
牀頭金盞還沽酒
愛學吳歛和楚狂

夏日陪葛刺史胡少府呂尹汪三山人
飲曹公東湖水亭

竹裏逢僊尉
花間隱使車
圍棋臨水檻
把酒看游魚
黃鳥鳴深柳
青荷覆小渠
物情忻自遂
而我樂何如

蘓州汪秀才見訪江陵艸堂以詩貽之

漂泊江鄉老
此身柴門長閉任
家貧雲霧放
鶴渾閒事
風雨看花又一春
抱玉幾年終獻
楚懷書
垂老莫干秦
昨朝憶共接
輿醉竹下
狂詩見性真

飲酒

城上秋風動
薜蘿十年江
客意如何酒
腸方大黃金
盡世事纔知
白髮多月冷
却憐孤鶴
怨天寒
誰聽餽牛
詩平生還
愛於陵子
用拙爲園老
一策

秋興二首

蕉葉臨窓卷幽花向砌分
楚童秋洗竹江鶴夜鳴雲
地僻應增嬾身潛不用文
近來饒酒券秋思更紛紛

江上形容老山中薜荔秋
鶴鳴竹院靜狙嘯葦門幽
愛樹收黃葉憐生洗白頭
室無菜子婦誰共卧雲丘

江陵送王秉之

不恃金貂貴山人乃武常縣宰布情當筵一舟之家

諾重却敵萬金輕憑憑堞
哀工粲臨湘甲屈平還家
畱舌在少婦下機迎

中秋夜月

蕭蕭風露寒耿耿客衣單
螢火流花砌桐陰上井闌
楚雲常獨卧巴月共誰看
身世何須計生涯此籜冠

江陵送李梓老還蘓州

十載江陵共白頭楓橋橘
酒憶蘓州此生見向應稀
少客淚因君灑素秋

破悶

煖老憑湘酒爲園仗楚童風殘書豈架雲滿
菊花叢流水十年事浮雲一病翁達生還自
古陶令不羞窮

承天寺再贈王秉之山人

貧賤論交日悽悽多言頽并寒晨炊少室
共僧間囊裏常留藥人前笑買山飄零王逸
少海上幾時還

藥圃園芙蓉鴛鴦燕燕語語詩是二山

人

明月芙蓉發秋風薜荔生訶從山鬼嘯劍任
奚奴擎斲地田田殘藥休糧檢落英南枝有羈
鳥同結越鄉情

楚童

白晢楚童清雙鬟挈酒瓶灌花晨汲井學字
夜囊螢竹院晴時掃柴門客去肩弱軀偏惜
汝饑渴屢曾經

遼府州亭贈朱孔昭

下原門下佞君稀猶着前春舊布衣况我不
如君數倍食魚何敢望輕肥

春還海上因贈嘉定王山人

雲度蒼江冷花飛碧海春誰家無斗水涸轍
有窮鱗自笑投珠客猶憐泣玉人肯邀笙鶴
侶共爾覓玄津

春日登荊州沙津觀音閣塔

塔院收花雨樓臺散佛香山青巴國近鳥白
楚天長樹色分衡岳江流入漢陽古來爭戰

地詎是水雲鄉

江上逢羅鍊師因簡霞西道者

老去滄洲計春來湘水深白雲松子夢芳艸
楚臣心搖蕩江邊興蕭條澤畔唵明霞如可
掬不惜報知音

家兄魯學醫於鄭邦輔別十年鄭逝矣
兄至江陵因感同泣下作是詩

兄弟悲遲暮莫關憶壯遊壺中仙客去肘後
以方畱谷口花仍發山陽笛更愁平生多感

以淚灑白雲丘

重九前一日同王揚二山人飲胡將軍

東郭州堂

柳下尋陶令籬邊問葛疆南山足芋栗東郭
此茅堂黃酒年年事菊花歲歲芳白頭還醉
舞休笑禁人狂

江陵送僧還蜀

煙樹寒雲楚水西殘瓢破衲歎行遲心無一
事卽相見千里何須嘆別離

少年行

少年恃意氣長醉酒家樓不倚金吾勢曾隨
劇孟遊阿山學劍術歷國揖諸侯白首無人
識空悲易水秋

敝園夏日遣懷

壓架葡萄熟巡簷竹木清搖擺葵扇小歌側
簪冠輕楚俗原非怨燕譚空復情坐盡改仙不
耽書劍老何成

同楊少通宿荆南驛館

孤亭明月冷疎館碧梧秋雁宿新沙
蛸螢飛古驛樓短詞多楚調永夜看吳鈞皎皎江關
楚相縣萬里愁

江陵爲仙居兄賦

並短引

吾兄負氣沉鬱形骸土木家無贍石之儲
動以自得爲之主不爲人所羈縻雖啜蔬
飲水而絃誦晏如也

性疎非傲物懶慢竟何求身老兼多病他鄉
况值秋衣冠隨楚俗飲啄且荊州好伴張平
子曾無兒女憂

戊辰夏六月江陵大水

水氣迷津樹江聲駭市居川原那辨馬黎庶
幾爲魚荆楚年頻異沅湘老計疎近饒浮海
興東下定何如

江陵草堂湯賦因憶楊少通

疎闊平生事支離遲莫年鄉關朔雁外客舍
楚江邊酒伴曾誰訪詩狂還自憐經過楊執
事許寄買山錢

連日風雨驟生薄寒分甘甫孫賦詩自
娛園蔬特醪亦足養老

江城風雨夕茅屋短長唵歷歷秋花發脩脩
落葉深老憑孫暖眼客用酒寬心欲買羅含
宅曾無作賦金

秋日小園雨後遣懷

性直難干謁昔清媿賤貧江山雙艸履歲月
一綸中秋色梧桐老晴光檣袖新寥寥宋王
宅千古閉荆榛

九日卽事

支枕茅簷下秋風正到時菊花開較晚鴻雁
故來遲樓託終何事行謁且秋藜百年共有
道心跡豈無疑

中秋雨晴小園夕坐

老去雖耽酒秋來不費詩畦蔬新雨後茅屋
晚晴時譚浪還齊語蠻詞愛楚兒明朝多釀
黍好待菊花期

遣懷

鬢髮還齊瑟鷄衣向楚人年豐兒女瘦家遠
弟兄親懶拙能堪事逢迎豈性真惟將詩送
老更愛酒長貧

連日淹雨閉門伏枕新晴後適有諸貴
過予茅茨沽酒以慰岑寂

久雨祇宜睡朝來還閉門薄雲籠屋角旭日
照籬根倚杖行猶懶堆書坐欲翻不知秋艸
碧綿貌待王孫

雨後移竹小園
海賦

童僕饑肯嬾家貧願一金
暄寒惟短褐風雨
屢長吟江關秋生蚤城
高霧隱深後來愛幽
意移竹間花林

贈焦秀才

富貴宜年少何爲長苦辛
魯生原好禮郢客
豈終貧琢玉功須就凌雲氣益伸
明年書再上應有下機人

沙津妓館送楊少通渡江南征

君能騎馬江漢未經過
宦薄蠻方遠家貧

皇僕多朝雲憐楚子
柰扇贈韓娥萬里相思
字祗應候薜蘿

秋夜訪承天寺二蜀僧論禪學

籜冠隨所適竹杖復行吟
夜月青蓮宇秋風珠樹林
根塵迷至性詩酒澆禪心
不學無生法其如老病侵

抱孫乞食市中

何室炊紅粟誰家具綠尊
頻遊雙履弊生計一瓢存
任尔呼牛馬隨予愛犬豚
絕交書未

上爲客老荆門

叢竹洞

連竹分清影接籬捲洞圓
叢竦風淅淅葉密露涓涓
搗藥宜晨坐拋書向午眠
誰知幽僻地自有楚人天

對酒樂府

自古推名飲而今不復疑
少年當適意況我日頭時
劍說非良計酒譌多妙辭
丹砂不可良畢竟尔何爲

秋日登望

是年戊辰大水

飛鳥中林性看雲故國心地卑湘漢闊天遠
洞庭深老馬空知道窮猿豈擇林十年書劍
客寂寞到如今

雨中遣悶

澤國秋雲重江城暮雨寒短衣爲客慣長缺
向誰看密竹藏幽徑深松着小冠渚芹亦可
薦何惜老荆蠻

九日同仙居兄飲江陵艸堂因憶故園

諸弟

客泪十年落鄉心九日縣登高巴水外望遠
楚雲邊各醉黃華酒同悲鴻雁天浮骸能幾
日而汝且相憐

久雨小晴遣悶

向壁梳頭白開門落葉黃巫山朝雨歇楚岫
莫雲長竹嶼詩成後茅簷酒熟香杖藜看菊
圃隨挈小壺觴

宋布衣詩集卷之二

三

宋布衣詩集卷之二



